



### **Morero oa Kalimo ea Lichelete oa ho Matlafatsa Basali ba nang le Bokooa 2021:**

Mamekhatlo oa batho ba nang le bokooa (LNFOD) e etsa phatlalatso ena ho mema basali le banana ba nang le bokooa ba ka khahloang ke ho etsa likopo tsa kalimo ea lichelete ho iqalla merero ea likhoebo tse nyane. Memo ena ke ea basali le banana ba nang le bokooa ba ikopantseng ka lihlopha (groups) ho tsoa libakeng tsa morero tseo lenane la tsona le qhoahetsoeng phatlalatsong ena. Bakopi e be batho ba nang le bokooa ho tloha ka lesea ho fihlela lilemo tse mashome a tšeletseng le metso e robong (69). Boikopanyo bo etsoe ka bonyane litho tse hlano ho isa ho tse leshome (between 5-10 members). Khothaletso ke hore litho e be batho ba fumanehang tikolohong e le nngoe kapa motse o le mong molemong oa ho atlehisa morero ba le haufi le ona.

Merero e khothaletsoang leha ho sa thibeloe emeng;

- Ke merero e sebelisang monyetla oa lihlahisoa tseo sebaka sa lona senang le sona.
- Mohlala ke moo tikoloho ea lona e nang le lifate tse ngata tsa litholoana, morero oa ho omisa mangangajane o ka atleha mme taba eno e beha morero oa lona monyertleng oa ho fumantsoa chelete ho feta sebaka seo lifate li fokolang.
- Morero o mong o ka sehlohong ke temo e tšereletsehileng (shading nets or tunnels).
- Morero oa ho hlahisa thepa ea lithusa tsamao (crutches) bakeng sa batho ba nang le bokooa ba masapo.
- Morero oa tlhahiso ea lisebelisoa tsa ka matlung joaloka sesepa se hlapang kapa se hlatsoang, (soap, cream, petroleum jelly) le tse ling tse ngata.
- Morero oa qhotsiso ea mahe a likhofo ka mechini.
- Morero oa ho hlahisa litene haholoholo tsa mangopeng.

- Morero oa thuho ea khomo ea lebese kapa lipuli tsa lebese.
- Morero oa ho tlhahiso ea thepa ea lepolanka, tšepe le tse ling.
- Morero oa theko le thekiso ea thepa.
- Merero e meng e sa boleloang kaholimo.

Likopo bakeng sa morero ona li tla amoheloa ho tloha ka la **07 Phuptjane 2021** ho fihlela ka la **09 Phupu 2021**. Kopo e ngolloeng leqhepheng le leholo (boholo ba A4) mme e se fete kakaretso ea maqhephe a robeli (not more than 8 pages including cover page). Kopo ea lona e be e ngotsong ka Sesotho kapa Senyesemane e lokela ho kenyeletsa tse latelang.

Lebitso la sehlopha sa boikopanyo se etsang kopo. Aterese ea sebaka seo morero o fumanhang ho sona.

Lengolo le otluoeng ka setempe sa Morena le pakahatsang ea tumellano ea monga sebaka seo morero o tlo sebeletsa ho sona.

Lenane la mabitso a litho tsa sehlopha sa boikopanyo, le motse oa setho ka seng le nomoro ea mohala ea setho ka seng. Boiphihlelo ba setho ka seng litabeng tsa khoebo kapa tlhahiso.

Mofuta oa khoebo e kopeloang tshetso. Hlalosang hore na le hloka chelete kae (chelete e kopuoang e be lipakeng tsa likete tse mashome a mabeli le likete tse mashome a mararo tsa maloti (20,000 Maloti le 30,000 Maloti). Tlhaloso ea litšebeliso le thepa eo hlokalang ho kenya morero tšebetsong. Tlhaloso ea litjeo tsa ho ho qala hoa khoebo. Tlhaloso ea hore na le na le eng hona joale 'me le rerile ho fihlela eng kamoso ha morero o so atlehile. Tlhaloso ea hore na morero o fetola bophelo ba litho tsa sehlopha joang.

Moralo oa litekanyetso tsa khoebo ha e se e sebetsa.

Moralo oa khoebo o bontšang mesebetsi, mmaraka, litšenyehelo le seo le batlang ho se fihlela. Le ka kenyeletsa litokomane tse ling tseo le hopolang hore li ka matlafatsa kopo ea lona haeba li le teng.

## **Mokhoa oa ho Hlahloba Likopo - Tlholisano**

Kamora ho amohela likopo, LNFOD e sebetsa mmoho le lekhlotla la puso ea libaka e tla theha sehlopha se tla hlahloba likopo kaofela. Sephetho se tla phatlalatsoa ka ho etsa lethathamo le qala ka kopo e nang le lintlha tse ngata ho feta tse ling.

## **Mokhoa oa ho Lefa Chelete ea Kalimo:**

Karolo ea halofo ea chelete tlasa morero ke mpho (grand) ha halofo e nngoe e le kalimo (loan) e lebeletsoeng ho khotlisoa ke sehlopha nakong ea likhoeli tse tseletseng (6 months) morero o qalile. Morero o qalile hang ha litho li tekenetse komohelo ea thepa. Chelete e lebeletsoe ho fihla mokhatlong oa LNFOD ka mecha e kahara tokomane ea tumellano. Tiehiso ea ho lefa chelete e kabang teng e tla tsamaea le likotlo tse boima (penalties) ho litho tsa morero kaha sena se ka baka tiehiso ho bakopi ba mokhahlelo o hlahlamang.

*Kopo e ngolloe molula setulo oa lekhlotla la puso ea libaka. Kopo e romelloe offising ea mongoli oa lekhlotla la puso ea libaka. Kopo e tlang ho fihla morao ha e na ho amoheloa.*

*Bakeng sa litlhakisetso bua le ofisi ea LNFOD: +266 22320345 kapa E-mail: moeletsi@lnfod.org.ls / masekara@lnfod.org.ls*

*Boitlhotlhollo: LNFOD e na le tokelo ea ho amohela kapa ho lahla kopo efe kapa efe. LNFOD ekeke ea jara litsenyehelo tseo bakopi ba keneng ho tsona ho lokisetsa kopo ena.*

**Morero ona o sebetsa libakeng tse latelang:**

**Leribe District:**

- Maoamafubelu C04 Community Council

**Berea District:**

- Tebe-Tebe D04 Community Council
- Senekane D06 Community Council

**Maseru District:**

- Qiloane A01 Community Council
- Ratau A02 Community Council
- Mazenod A06 Community Council

**Mafeteng District:**

- Ramoetsana E02 Community Council
- Makoabating E06 Community Council

**Mohale'shoek District:**

- Siloe F01 Community Council
- Mashaleng F02 Community Council
- Khoelenya F03 Community Council
- Thaba-Mokhele F05 Community Council